


# METROMAHALA

[Radiosarajevo.ba](http://Radiosarajevo.ba)
















# *Sarajevo / Sutra počinje Pravo Ljudski Film Festival koji donosi 90 filmova*

*08. 11. 2016. u 13:32:00 Radiosarajevo.ba*

Filmska publika iz BIH već zna da, tradicionalno, Pravo Ljudski Film Festival u Sarajevo dovodi najznačajnije radove koji predstavljaju kulturu dokumentarnog filma i kinematografije ljudskih prava.

Jedanaesto izdanje **Pravo Ljudski Film Festivala** održat će se od srijede 9. do ponedjeljka 14. novembra na četiri lokacije u Sarajevu, a prokázat će se 90 filmova.

Ovogodišnji festival preispituje koncept doma i pripadnosti, u vrijeme kada ove dvije kategorije u svojetu gube svoje jasne obrise. Već na prošlogodišnjem festivalu nagoviještena je ova tema.

"U programskom smislu, festival pokušava da s jedne strane ostane u okvirima onoga što se očekuje od njega od strane onih koji ga svake godine prate, ali i da dostojno predstavi fluidnost i angažman na filmu koja se ispoljava kako u narativu tako i u produkcijskom smislu", rekla je **Kumjana Novakova**, umjetnička direktorica Festivala.

Festival će u srijedu u 20,00 u kinu Meeting Point otvoriti film **Selme Doborac**, autorice bh. porijekla koja živi i radi u Austriji. Film *Those Shocking Shaking Days* koji je na ovogodišnjem FID Marsailleu nagrađen s Georges de Beauregard International Prize i dodatnim specijalnim priznanjem, a nakon sarajevske projekcije uslijedit će razgovor s autoricom.

Tradicionalno, Festival se sastoji od takmičarskog dijela - programa Extra Muros, te revijalnih programa - Re:Versus, Arts & Docs, The Shorst, specijalne projekcije, među kojima i retrospektive autorice **Chantal Ackerman**.

U sklopu festivala bit će održan i program **Zumiraj prava** koji je namijenjen mladima i u sklopu kojeg će se takođe prikazati takmičarski program koji će ocjenjivati žiri srednjoškolaca iz cijele BiH.

**Osim filmova, publika i sudionici festivala imat će priliku pratiti i naučni skup** posvećen filmskom obrazovanju u osnovnim i srednjim školama, a najavljeno je učešće oko stotinjak pedagoga iz cijele BIH.

**Ulaz na sve projekcije je slobodan** na svim festivalskim lokacijama, a to su: Meeting Point, Kriterion. Ars Aevi i galerija Duplex.

Ideja festivala Pravo Ljudski je da se, pored promoviranja individualnih prava i sloboda, te jednakopravnosti svih segmenata društva, naglašava potreba za javnim dijalogom putem aktivnog uključivanja glasa i svijesti u artikuliranju stavova o društvenim pitanjima i problemima vitalnim za poštivanje ljudskih prava uopće.

Opširnije o programu festivala [informirajte se na ovom linku](#).

pratite putem aplikacija za [Android](#) | [iPhone](#) i društvenih mreža [Twitter](#) | [Facebook](#) | [Instagram](#), kao i putem našeg [Viber Chata](#).